

1

affio
5539.12

BENEDICTI MENZINI
FLORENTINI

Canonici S. Angeli,

E T

IN ROMANO ARCHIGYMNASIO
Publici Eloquentiæ Professoris .

I N F V N E R E

LEONIS DECIMI.

O R A T I O

AD PONTIFICEM OPTIMUM MAXIMUM

CLEMENTEM XI.



ROMÆ, Typis Reu. Camerae Apost. MDCCI.

SVPERIORVM PERMISSV.

THE
JOURNAL
OF THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME LXXV. PART 1. 1945

PONTIFICI OPTIMO MAXIMO'
CLEMENTI XI.



Rationem hanc, quæ
de argumenti magni-
tudine vires sibi com-
parat, & ornamen-
tum, venerabundus,
& supplex Tibi inscribo, CLEMENS
PONTIFEX MAXIME. Quod planè vo-
lens, lubensque facio, quum ea, quæ
in Leone suspeximus, & admirati
sumus, in Te quoque, & virtutum
similitudine, & sacrosanctæ, quam
sustines, dignitatis splendore con-
fluant vniuersa. Viros autem ægre-
giè doctos, & verè eruditos quum

A 2

Leo

Leo non dilexerit modò, sed amaue-
rit etiam eximiè, hoc sanè Te illi fa-
cit quam simillimum, quod eos ipsos
fouere, & amplexari, regij animi esse,
summumq; apprimè decere Sacro-
rum Antistitem arbitreris. Mihi ve-
rò, qui cum antiquioribus, & inge-
nio præcellentibus minimè sim con-
ferendus, hoc vnum saltèm interce-
dit commune cum illis, quod ad no-
stra hæc studia liberaliùs, atque com-
modiùs exercenda, firmissimo CLE-
MENTIS XI præsidio non caruerim.
Quod licèt scripto testemur, maius
tamen est, quod corde gerimus, ergà
Te, CLEMENS OPTIME, non tempo-
rarijs commissum literis, sed perpe-
tuum, & nunquam intermoriturum
obsequentis animi monumentum.

IN FVNERE
LEONIS DECIMI
Pontificis Maximi.

O R A T I O .



Lerique Oratorum , quum
 de alicuius eximij , præstan-
 tissimique viri interitu ver-
 ba faciunt, illud animo repu-
 tantes, quòd Heroas morte
 præreptos speciosissima qua-
 libet doloris significatione
 carere non deceat , ad lacry-
 mas, complorationesque descendere consueuerunt.
 Quod sanè argumentum licèt ego non improbem,
 non est tamen , quòd illi vel penitus inhærendum,
 vel prolixius immorandum existimem . Volunt
 enim nos illo fonte expleri , quo nil citiùs arefcit ,
 & funebri luctu satiari , quo nil magis fluxum , nil
 magis euanidum . Quapropter iussu , & auctoritate
 vestra, **ILLVSTRISS. PATRES**, quum in hâc am-
 plitudinem loci deuenerim , vt Pontifici Maximo
 Leoni X maxima nos debere testemur , dum illius
 fortia facta , & celeberrimæ huic Academiæ colla-

ta beneficia commemoro, ad alia omnia, quàm ad mœrorem, tristitiamque vnumquemque vestrum, traducere non grauabor. Quis enim non debeat lætitia perfundi præclara illa gesta suspiciens, quæ manent, mansuraque sunt in æternitate temporum, fama rerum? Eximias ergo Virtutes, quarum fœcundissima genitrix Magnanimitas est, quum breui, castigatoque sermone fuero persequutus, præsidium etiam illud, & decus, quod de tanti Pontificis prouidentia liberalibus disciplinis, bonisque artibus additum, sua indonatum adorea non prætermittam. Et si nostris nos magis affici par est, nostra illa iure censemus, quæ de egregia Leonis X Magnanimitate, veluti de perenni fonte, in communem omnium splendorem, atque vtilitatem promanasse non diffitemur.

Hinc itaque vt narrationem nostram institua-
mus; Vestrosnè quandoque traxit obtutus Planta
iugo insidens, ardua, procera, & quæ, vt ait
Poeta maximus,

———*Quantum vertice ad auras*

Aethereas, tantum radice in Tartara tendit?

Atqui hæc ipsa in miram exsurgens altitudinem, ramosa brachia latè protendens, & frondoso superba cacumine, primo tamen, atq; exiguo in semine tota est. Præsensistis, vt arbitror, Auditores, quò recidat argumentum. Et iam quod Heros noster, vel in ip-

fa adolescentia, amplissima illa honoris insignia fuerit assequutus, quibus Roma hæc inclyta, meritum sedula inspectrix, claros etiam Virtute viros, non nisi longinquiori tempore intercedente, condecorat; non est sane quod admiremini. Neque enim ea dicenda adolescentia est, sed grandior ætas, & firmior, quæ teneros annos prudentia antevertit, & ad maiorum decora exprimenda paratam se, atque eximie indolis beneficio nunquam non sentit idoneam. Quæ quidem indoles quanto perè in adolescente præluxerit, de ipsius Innocentij Octavi iudicio intelligimus, qui non inani ductus auspicio sacros inter Romanæ Ecclesiæ Principes Ioannem adlegit, quum decimumquartum ætatis annum vix attigisset. Quid defixo hæretis animo, quid obstupescitis? Nouerat sapientissimus Pontifex, Virtutis ardorem facile excitari ubi lateant igniculi; & ubi vena saliat, vberimos tandem fontes erumpere. Nouerat quòd ubi, veluti in traducè, Magnanimitas est, alia omnia iurè expectanda, quæ Principem deceant. Nouerat ijs ortum maioribus, qui non nisi magna, eximia, admiranda domi, forisque patrauerant. Nouerat iuuenem Græcis, & Latinis literis probè institutum, mira præditum ingenij dexteritate, morum suauitate insignem, & qui regiam sibi sumeret administram Liberalitatem. Quæ quidem omnia quum

Heros noster ea in ætate præferret , in quâ complures aberrare soliti , vel voluptatibus illecti ; vel æstuantî natura commoti , vel insita summo loco natis animi elatione prætumidi ; quantus inde erat euasurus , quum ad viriles annos accessisset , in quibus voluptatem temperantia , iram fortitudo , & mentem plus nimio erectam æquanimitas plerumque solet excipere ? Exserent profectò se Virtutes omnes , & in congestis iuueni dignitatibus Innocentium dicent neque fraudatum spe , neque peccasse consilio .

Et sanè eximix , quam de se excitauit , expectationi Ioannem Medicum egregiè respondisse , illa ipsa quæ deinde gessit præclara , innumera , atque alijs imitanda potius , quam superanda , abundè testantur . En illa occurrant difficillima tempora , bellorum strepitu inquieta , vento agitata turbarum , seditionumque . Sed Princeps animo infractus , & sibi dictum putans

Tu ne cede malis , sed contra audentior ito ;
aduersis non deijci , hostibus non deterreri , & calamitatibus licèt premi , poterit certè non opprimi !
Dura exilij feret incommoda ? At illum reducem fausto salutantium plausu Roma excipiet , & acerbitalis præteritæ magnitudinem præsentis lætitix cumulus compensabit . In hostium veniet potestatem ? At illi ipsi , quo , dum captus est , equo veha-

hebatur, illi, inquam, insidens, vbi primum Lateranensem Basilicam accedet, veteri, ac solemni Romanorum Pontificum ritu triumphabit.

Interea te quoque Iulj Pontifex Maximè vtique venerabimur, qui, vt olim Innocentius, tantum Ioannis Cardinalis Medicei prudentiæ, dexteritati, fortitudini tribuisti, vt illum impensè dilexeris, honoribus cumulaueris, & publicæ reddideris admirationi suspiciendum. Inde enim factum est, vt intelligerent omnes, quam dignus esset in Petri successorem præuijs acclamationibus designari, qui Iulio Pontifici, acerrimi sanè ingenij viro, tantoperè probaretur. Et profectò magni illi spiritus, qui de claritudine generis erumpunt, & promicant; illa in rebus agendis alacritas sapientiæ sulta præsidio, experientia edocta, vsu confirmata; illa denique, ætas non in seductu, sed in publico Reipublicæ bono traducta, nonnè virum ostendunt, qui iurè, & meritò ad summum dignitatis apicem euehatur? Et iam, quod communibus omnium votis expetebatur, euenit. Nam Iulius Secundus, quem supra memorauimus, quum illud exsoluisset, quod naturæ lex est, tributum, officiumque mortaliū, Mediceus Hercules Christiano Orbi fulciendo humeros supposuit non impares, adeò vt communis omnium illa vox esset, moderatorem quidem accessisse alium, eandem verò virtutem vniuersalis

Eccle-

Ecclesiæ regimen suscepisse . Suo namque perseuerabant in robore magnanimitas , fortitudo , liberalitas , atque ea omnia , quæ hominem verè magnum , suspiciendumque constituunt . Et si quæ diximus necessaria existimantur ad præclarum Virum efficiendum , quanto magis illa ipsa requirere oportebit in viro Principe ? In vironè Principe tantùm ? Imò & Principum maximo , cui tradita , clauium potestas ; Sacerdotij , & Regni commendata fœdera ; totius Orbis cura concredita . Quæ quidem in re quum multa accidere soleant difficilia , perplexa , & solerti enodanda consilio , ipsi per vos videtis , Auditores , quam Leoni nostro operæ pretium fuerit se ipsum colligere , ne vires succumberent , ne ponderi cederent , ne , veluti diuerberata fluctibus compago , laxarentur .

Sed non est , quod ea formidemus ; magnus quippè animus difficultatibus obluctatur . Præterea non in alieno , sed natio in solo , & de regnatrice Mediceorum domo in vnaquaque re exemplar habet , quod exprimat , quod æmuletur . Dissidebunt inter se Christiani Principes ? Léo noster Germaniæ , Galliaque Reges Ludouicum , & Henricum sæuis armis depræliantes potens opere , & sermone pacabit ; & Laurentium illum senio-rem imitabitur , cuius Toga tanti fuit , vt , Italiæ dixerim , an totius Europæ ? Europæ , an totius Orbis ,

Orbis ? diffidia componeret . Occurrent , vt diximus , ardua , discriminisque plenissima ? Iam Cosmus ille , qui ob Virtutem Pater Patriæ est appellatus , suam Leoni prudentiam suppeditabit , qua omnia possit feliciter aggredi , & ad exitum perducere felicior .

His confirmatus exemplis omnes Pontifice dignas partes implebit . Religionis vindicem vultis , & assertorem ? En Septentrionales plagas pestifero anhelitu afflantem , vt Hydram vel reprimat , vel extinguat , Hieronymum mittit Aleandrum , qui oratione habita in comitijs Vormatiensibus , auditores adeò commouet , vt in Lutherum exardeant . Iustitiam dicitis Imperij columnam ? En iura gladio armat , seditiosos coercet , & animos addocet sumere mitiores . Clementiam desideratis ? En castigatos rursus reuocat in amicitiam , ampliori dignitati restituit , vt ea veluti mercede , præterita detrimenta non sentiant . Grandia hæc certe ; sed & illa fortasse non minora , quòd sana consilia non respuit ; viros fouet eruditione conspicuos ; omnesque dignas libero homine disciplinas grandi non patitur carere præsidio .

Hic verò Auditores , Liberales artes vniuersæ , vt ad alteram ditionis nostræ partem veniamus , opportunè nos admonent . Intellexistis , vt in ijs , quæ regnandi artes dicuntur , maiores suos veluti exemplar

plar egregium, & vndequaque perfectum graphice fuerit imitatus: animaduertite modo, vt in literis excolendis, ab illorum quoque æmulatione non deflexerit. Maiores illi neglectæ pretium fecere virtuti, peregrinantes literas reuocarunt, erexere iacentes, & Politianum, Ficinum, Mirandulam, grandia nobis dedere nomina, quæ tota posteritas venerabitur. Singularis iudicij Leo Petrum Bembum, & Iacobum Sadoletum sibi delegit, qui verè poterant eloquentiam Sedis Apostolicæ maiestate dignam sustinere, quum cæteros omnes Literatos, qui Romæ florebant, eruditionis, & doctrinæ laudibus anteirent. Magnanimus ille Cosmus Græcas literas Latio donauit, codices antiquos vndiquè conquisiuit, quos viri longè doctissimi verterent, emendarent, interpretarentur; & ne tanto molimini amplitudo loci decset, Academiam in Hetruria celeberrimam excitauit, quæ Græciæ copias suas refunderet, nec ampliùs ventosa natio superbiret. Leo noster accitis vndique grauissimarum artium professoribus, Romanum Lycæum ità instaurauit, vt neque Bononiensi, neque Patauino vel doctorum præstantia, vel auditorum concursu concedere videretur. Tunc Romana iuuentus habebat quos admirabunda suspiceret; vel Beroaldum Iuniorem scribendis Odis Horatiana iucunditate præcellentem; vel Parrhasium Cosentinum

num humanioribus studijs insignem, vel Basilium, Calchondylem Græcæ eruditionis difficiles olim, & penè imperuios adytus referantem. Et verè tanti Principis Liberalitate commoti huc omnes in literis eminentes aduolabant. Negat fortasse aliquis? At ipsa testis temporum Historia abundè confirmat, neminem extitisse vel liberalibus disciplinis egregiè instructum, vel etiam mediocris, & exigui planè nominis Poetam, qui de Leonis Pontificis munificentia, meliorem se, & fortunis auctiorem non senserit. Confirmat, inquam, Historia, per Leonem Decimum ingenuarum artium perfugium, claros eruditione viros amplissimis dignitatibus, honestis, opulentisque sacerdotijs, oppidis insuper, atque donis ingentibus fuisse locupletatos.

Sed quid ego hîc luculentissima historiæ testimonia congero? Quid ea in re longiùs adlaboro, Viri clarissimi? quum ipsa hæc Academia illius olim amplitudine cohonestata, & eximijs condecorata muneribus, satîs modo vos admoneat, ut neque rem exaggerari verbis diù patiatur? Et si tot, ac tanta, sub ea tempora, in viros eruditione percelebres collata beneficia cognouimus, proculdubio, si eius nunc bearemur obtutu, eoque præsentè frueremur, insitam animo liberalitatem, magnitudinem, clementiamque Leo noster tum ipsa nominis appellatione, tum factis exprimeret. Vide-

deret enim, celeberrimo huic Lycæo decora ingenia non desse, vel priscis illis comparanda, vel præferenda. Excitaret certè animos, & ad artes poliores exercendas vehementer accenderet, nec studia sineret, vel inopia retardari, vel egestate fordescere. Oh vtinam daretur tam præsentibus alibi cognoscere diuos. Fallimur? An non in CLEMENTE XI literarum, literatorumque omnium amantissimo Leonem alterum nobis adfore, fatidicus quidam impetus mentis penetralia concutiens auspicatur? Habebimus certè nos quo impensè lætemur, sicuti & illi habuerunt, qui de Leone Pontifice, Virtuti locum patefactum esse, vnà omnes voce fatebantur. Sed quum illis abundè esset quo gauderent effusius, illis etiam non defuit quo acerbius dolerent: nam Leonem dicunt immaturo, importunoque obitu præreptum. Vt verò cæteris oculorum sensus longè præstat, ita descendunt altiùs quæ visu, quam quæ aure percipiuntur. At nobis datum est dolere remissius, quum sola restet memoria beneficiorum, & fructus; Clementis verò XI virtus eximia, & singularis in spem nos erigat forè, vt Leonis X. ergà bonas artes liberalitas, & studium floreat auctiùs, ac diuturniùs, quo sublato afflicta diù, ac penè intermortua esse videbantur.

